

Uc  
9020





~~C 7856~~

Uc 9020

Biblioteka Jagiellońska



stdr0015400

Uc 9020



PANEGYRICVS  
I NVICTISSIMO  
POLONIÆ ET SVECIÆ  
REGI  
VLADISLAO IV.  
MOSCOVITICO

VILNAM VRBEM  
DEBELLATIS HOSTIBVS,  
RECUPERATIS PROVINCIIS,  
PACÉ CONSTITVTA,  
INGREDIENTI.

PER  
STANISLAVM FLORIANVM OBRYSKI  
*In Almâ Vilnensi Academiâ Societ: I E S V Philosophiæ  
Auditorem, totius Academiæ nomine*

Dedicatus.

ANNO M. DC. XXXIV.

VILNÆ Formis Academiæ Societatis IESV Anno 1634.



Res gerere, & victos ostendere Ci-  
uibus Hostes,  
Attingit solium Iouis, & caelestia  
tentat.

*Horati. Ep. 17.*

Pax optima rerum,  
Quas homini nouisse datum est:  
Pax vna Triumphis  
Innumeris potior: Pax custodire  
salutem,  
Et Ciues æquare potens. — — —

*Silius lib. 11.*

LA  
Biblioth. Regia  
Berolinens.

VHs 1185419

## PANEGYRICVS.

**T**riumphales hi, & Tuis Victoriis concolores di-  
es, qui te nuper consecratum Regem, tuorū ocu-  
lus ereptum, Victorem restituunt, REX INVI-  
CTISSIME, in eum felicitatis tue splendorē omnes conspi-  
rârunt, vt non vota modo de te Principū Terrarumq̄ probēt  
copiosius, sed vberius quoq̄ explicent vniuersam gloria vim  
ac potestatem, quam Nomine polliceris. Nam tametsi pro-  
sperrimo animos omnium antea iam expleueris successu,  
letissima tamen hac multumq̄ expetita tempora, quæ Te,  
debellatis Hostibus, reducem excipiunt, pulcherrimæ Tue  
Fortune amplius loquuntur magnitudinem. Te enim  
ipsum tuis ostendunt Terris inuictum Moschouie Domito-  
rem, rebus gestis ac Victorijs clarum, recens parato Tri-  
umpho conspicuum, qualem prudenti anticipatione futu-  
rum sciebamus. Intelligimus iam, augustam corporis  
Tui speciem, & bellicam in Martio vultu Maiestatem,  
quendam quasi tacitum Tue Virtutis Oratorem nobis cir-  
cumferri. Animaduertimus oculis hanc nostris conces-  
sam felicitatis prerogatiuam, vt in presente legamus  
quandam rerum à Te gestarum perfectionem, quæ verba  
ad sui commendationem non possit apud nos inuenire.  
Quemadmodum enim quedam Virtutum argutie ac nota  
in vultibus emicant, quas feliciter quidem ingenia picto-  
rum peruident, non vtiq̄ pari dexteritate ac lenocinio in  
tabulam transferre possunt; ita diserta laudatio non per-  
inde magnificam explicat gloria formam, quæ in exteriori  
Victoris Principis specie efflorescit. Sola hoc habet ma-  
gnorum effectrix Mens operum, vt suo se, ex rerum digni-  
tate, promere possit in publicum apparatus. Felices itaq̄  
merito à posteris existimabimur, quibus Tu ipse Tuarum  
interpres Victoriarum contigisti. Neq̄ tamen infelices  
idcirco illi à nobis appellandi, cum minora audient, quam  
geris. Scient enim non liuorem obesse Fame, ne ex rerum  
pretio



pretio loquatur, sed facultatem. Et compensabunt estimatione, ac stupore, quo magna coluntur, quidquid facundia assequi non potest. Quod magis mihi ignoscendum esse animaduerto, cum maiore voto, quam splendore verborum tuas laudes aggredior; Et hoc in defensionem afferre non possum, quo ceteri dictionis moderationem commendant. Laborant in eo plerique maxime, ne in laudibus percensendis sint nimij, Et exiguorum consciam meritorum verecundiam, ambitiosam sermonis pompam vulnere; ideoque dicendi copiam ad Principum modestiam submitunt: me vero Regij tui labores amplissimi ad eam Maiestate sua ac Lumine perturbant, ut verendum mihi sit, ne dum eloquentiam cogo ad Laudes, obsequium tenuitate Orationis corrupam. Et quidem, si omnia mihi commemoranda essent, que Parenti Tuo, inuicto ac indomito Heroi in solatium gessisti, quantus mihi dicendi campus aperiretur? quam impar humeris operum moles incumberet? Cuius hoc demum esset facultatis, per immensa terrarum spatia, vestigijs Virtutum Tuarum inspiciendis insistere? spectare Romam, supremam illam Nationum arcem, quam magnus Hospes impleuisti: castra Ducis nostrae etate celeberrimi Spinolae admirari, in quibus artis Tuae militaris singulare specimen posuisti, Et ostendisti, candore Ducis inuitatus, quid in magnis ingenijs, Et absoluto munitio- num situ corrigere possis? Borysthenem adire, ad cuius ripas uniuersa Moschorum Barbaries Tuis genibus affusa seruitutem iurauit, cum libertatem dares? Quam mihi facundiam, rerum gestarum felicitate aspirarent, vel earundem magnitudine eriperent campi, Tyram ultra late porrecti, qui Tuos sudores, Et Asiae penes totius sanguinem a Tua manu hauserunt? cum Osmanus Orientis totius Imperator, Tuo Numini victima cecidit, Et capite deposito Virtutem casus adorauit, quam uinus timebat? Ea vero, quae domi in Luce Patrie egisti, infinita plane

ta plane cum sint, atque innumera, meam mihi obrudunt infantiam. Quis enim singula vel hac breuitate percurreret, prudentiae, roboris, felicitatis Tuae monumenta? Vota Gentium, Regique huius estimare, quae Te sceptris admouerunt, Et lugenti adhuc Purpuram ac Coronam iecerunt, quam difficile atque arduum est? Quis gloriae miracula citato Orationis cursu persequatur, Et se non subito in primo dicendi limine referat in gradum, si intueatur, non socias tantum Et federatas terras, sed hostes quoque in unam, eamque rectam Tuorum factorum uenerationem conspirasse? An enim Tibi inuitus in Triumphum Gustauus vitam non posuit, Et fictam scenico nomine exiit Sueciam, ne integer potentiae Tuae titulus, in consortio dignitatis, aliena mendacia haberet? Tuae fortitudini Barbarus seruiuit Moschus, cum Sacrosanctam palabundus calcauit federis religionem, Et per funesta in arces finitimas periuriam conscendit. Vel hoc ipso satis amplum militaris Tuae peritiae ac roboris dedit testimonium, qui melioribus diffusus consilijs, praenire potius fraude, ac scelere, uoluit, quam in aduersum vires suas experimentum differre. Tunc funestum in vicinas ceruices ac terras ferrum intulit, cum Te liberae Polonorum Manus Regali auro occupabant. Quid vero ad tam infaustum nuncium subito non moliebaris! Distulisses, si per Te steteret, decus sceptri, ut clauam erigeres, nisi subditorum desideria, aureum Te prius, sibi que amabilem in Regali Maiestate, quam ferreum hostique difficilem in bellico puluere admirari maluissent. Quoties oprasti longa Comitiorum spatia breuiori cursu praeterire, consilia in angustum cogere, securitatem in fines deferre, ad omnes honoris primiti fructum destinare? Audiebas immanem hostium furorem, Nationum diuersarum delectu uariuum, ingenio subdolum, perfidia celebrem, numero militum Et armorum opulentum, sedere ad Smolenscum, fossis circuire, continuo ligatis du-



Et tu castris stringere. Intelligebas subterraneis dolis turres subruui, eijci puluere nitrato muros, agi vineas, scalas admoueri, parua arcis immense praesidia perpetuis laboribus ac vigilijs fatigari. Tanta periculorum mole prorsus concidisset magnorum animus Imperatorum, Tuus assurrexit, & Te Regno huic caelitibus concessum probauit, ut pulcherrimam rebus afflictis ac dubijs fortunam porrigeres praesens, absens mitteres. Incredibile enim, & ad aurium illecebras confectum videretur, tam ingens Prouincia propugnaculum a paucis contra frequentes Hostium legiones seruatum, nisi Tua auspicia nossamus. Tuæ felicitatis erat opus, quod starent menia, ruerent Aduersarij, milites solâ tui aduentûs expectatione viuentes, corporum atq; animorum vigorem retinerent. Ita postquam aduersis ac bellorum tempestate fluctuantem Rempub: tractare cepisti, ijs quoque spes salutis affulsit certissima, qui ne auram quidem ducebant liberam, nisi quam Hostes suæ fiducia victoriæ, & terroribus imbutam transmississent: Et verò, cum Te in Patriæ gremio detineret multa undiq; impendens necessitas, & primæ subditorum preces, quibus tuæ consulabant dignitati, amoris inuitamentum non tulisti. Mouerunt Te calamitates miserorum, quarum sensus maior Te tangit, postquam singulos cum Sceptro in manus, cum Coronâ in cogitationes admisisti. Didiceras ab Aureo Pomo, quod in solenni datur inauguratione, ad Te pertinuisse, ut Tuæ Fortune premium ac dulcedo ad omnes perueniret. Summis ergo itineribus properasti, ut securitate presentie pericula dissipares: nec sic tamen absens, cum abesses. Sustinuit interea tuos successus Vicaria Tuæ imperterrite fortitudinis Mens, que Tuam presentiam ubiq; circumtulit, Quod magis autem Barbari agere preda, & in vicina euagari prohibebantur, eo pertinacius, in illo militari otio, Arcis Principis excidium agitabant, In hoc fortissimum munimentum, adducta-  
rum

rum versutia Nationum incumbibat, innumera sudabant opera, omnium pendebant animi: ignari, quod tuis rebus militarent. Nam postquam in hac campestris meditationis opera, & validissima difficultatum erectarum artificia semel hostis decidisti, subito nudati propugnaculis montes, tuum tibi Smolenscum retexere. Anni penè totius laborem dies una ita sustulit, ut via undiq; laterum starent aperta, neq; tot anfractus vallorum, & tumuli loricis emuniti tutam amplius preberent stationem. In una omnes cesserunt castra soli, omnia se portare secum rati, quod pedes ad corpora auerbenda superessent. Hoc quoq; Clementiæ tuæ debent, quod cum calo transegeris, ne Victoriæ sanguine Hostium cruentares. Ostendisti eâ Te pietate esse, ut ad vincendi securitatem voluntate tantum opus habeas: eâ prudentiâ, ut dispersos sub unum extremae sortis ictum colligere possis. Neq; verò hæc Diuinæ opis benignitas in otium cecidit Tuum, & fidem conatu ac occupatione militari absolutam. Non supplicibus eam duntaxat in partes tuas aduocasti palmis, sed ferro etiam inuitasti. Illa enim multum pretij habent vota, quæ, quod petunt, faciunt. Exordia pugnandi, quæ precum ardor promouet, pro consummatione Victoriæ Superi metuntur. Quauquam etiam ita praesens in ipso prelij feruore Tibi aderat Numen, cum late sterneres Hostes, & erectas adires per cadauera moles, ut militum gladij iam in ipsis aduersariorum castris triumpharent. Perfecisses ignea alacritatis constantiâ, Tuarum virium impetum, nisi manus ad placandos rebellibus Diuos transtulisses. Propè ipsa tibi displicebat Victoriæ, quod pessimè obstinati, benè oblatam salutem impetrare nollent. Quia tamen seruare volebas, idcirco, cum memoria grassantis in cervicibus cædis, somnum non permetteret fessis, & alacres nihilominus ad fugam faceret, Tuis votis debent. Nox obscura & illunis erat, cum relictis abirent impedimentis; & sidera ipsa  
B ra ipsa



ra ipsa caelo profuga testabantur palam, quod violati fe-  
deris conuincerent fugientes. Suspensis ac cauitis vestigiis  
Sehinum versus lentè viam periclitabantur, & sic tamen  
properabant, neq̄ tuam fallebant vigilantiam, ante quam  
omnia dilucescunt. In errorem dari potuissent, nisi ad v-  
num fortitudinis tuæ experimentum vniuersos pergere  
maluisses. Dies sequentes causam insoliti timoris, faci-  
em castrorum, rerum copiam sub aspectum posuere.  
Quis hic letitiam militum explicet, quorum periculis pie-  
tas tua consuluit, ut in opulentam prædam otiosi veni-  
rent? Gloriam tuam vocet tumultuosâ differebat Exercitus,  
& in vrbes publicæ hilaritatis decus porrigebatur. Ce-  
lebrabant alij Martiam illam Julij Cesaris celeritatem  
in Te gloriosius effulsiisse, cui ignotæ prioribus seculis ma-  
chine moras vincendi non facerent. Mirabantur impedi-  
ta aggeribus loca, implicata fossis, æreis infessa tubis, ar-  
mis instrata, tuo conatui facile patuisse, & quod paucis  
contigit ante Te Imperatoribus, vniuersos perisse vno  
vincente. Alij amicam cum Deo consuetudinem effere-  
bant, quod expiare Tuarum fines prouinciarum sacrilegio  
Hostium posses, & speratus alienis Castris succedere ha-  
bitator. Talibus fremebant cohortes præconijs, & nemo  
erat, cui vtrices Furie, que perduelles æstro eiecerunt,  
non elicerent futuri exitus auguria. Distrabebatur in-  
terea diues penu in omnes. Ferrearum acerui pitarum,  
bellica ad usum supellex, curules balistæ in publicum re-  
ferebantur. Cum plurima ceteros recrearent, Tu ad tu-  
os, quos diuturna obsidio afflixerat, quorum armis, vita,  
animis inuolutum constitit Smolenscum, concessisti. Et  
verò magnum ac verum Principum ornamentum sunt ser-  
uati Ciues. Hos morti eripere, reddere Patriæ, clarissi-  
mas inter semper habitum Coronas. Quidni ergo & illi  
tui amenitate vultus ac successu excitati, quasi ad vi-  
tam è ruderibus exsiliirent? cur se non effunderent in po-  
meria

meria, ut Tuâ presentia maxime Arcis vastitas implere-  
tur. Tum primum periculorum voluptas in gestus corpo-  
ris emicuit, & signa lætitiæ, quam gustata æmularum  
patientia commouerat, in indicem frontis serenitatem  
exierunt. Mania ipsa, que assidua pugandi contuma-  
cia solo equauerat, ad Tanti Hospitis aduentum surgere  
videbantur, & in Muralem coire Teniam, ut in agro  
Vindicem suum atq̄ Patronum coronarent ambitu. Æ-  
reæ machine, que furibundo assueuerant fragori ac cadi-  
bus, in gratulabundos explicuere vim clamores, & letitiâ  
conspirantibus in plausum flammis accendebant. Viring  
gratus eras, & quia REX venisti, & quia Liberator. Illi  
de Te vires assiduitate operis fractas reparabant, & iam  
se recipiebant, quia Te viderunt: Tu in illis amasti inau-  
ditam, & apud posteros æstimandam animi magnitudi-  
nem, que seruitutem, in illa arcta obsidione horrebat, &  
ingenui semper, quia Tui iuris erat. Inuicta pectora,  
que Sparte murum fecissetis, & circum nudas Thebas gene-  
rosius ad virilem tubarum vocem surrexissetis quam ru-  
pes post Amphionis Lyram reptauerunt. Vos illibatus  
Libere Gentis sanguis Numantinam reddidistis Orbi in  
exemplum virtutem. Tam enim immoto stetitis contra pe-  
ricula semper gradu, ut oculos vestros & vocem sustinere,  
plenū opus fuerit alicui & terroris. Eam inuicem suscepistis  
viuendi legem, ne vnum superstitem haberet immanitas,  
quæ seruitute violaret. Nomina pactiois, federis, pacis,  
tam ignota vobis erant, ut in obtuione abiisse videretur.  
Hoc itaq̄ fortitudinis prodigio effecistis, ut & immortali-  
tas res vestras præclare gestas receperit intra gloriam, &  
Regia Liberalitas premijs honorauerit amplissimis. Plura  
licet, quam optabatis, acceperitis, ipse tamen magnani-  
mus Princeps, munus erat præstantissimum. Ut enim il-  
lum aliquando reciperetis, viuere voluistis. Quidquid  
aliud in mercedem venit, ipsius erat authoramentum gra-  
tie &



rie, & signum rei expetite. Te igitur conuenio REX  
Inuictissime, qui postquam milites spolijs, obsessos Tuo  
aduentu ac Victoriâ refecisti, nihil aliud mente agitabas,  
quàm ut fortunam prosequerere. Commodum autem ceci-  
derat, ut bellum in compendium mitteretur. Exercitus  
tantus, quantus summis stipendijs domi & foris, maria  
ultra, & per alienas querebatur Ditiones, in cumulo iam  
erat. In punctum omnes unum transuere, & fecerant  
virium summam. Sic quoq; futuri difficiles, quod & à ter-  
go uniuersa iaceret Moschouia in subsidium, & ipsi à  
fronte imminerent. At exercitus, quem ducebas, ut vi-  
ac animo valido & inconcusso anteibat, ita numero erat  
exiguus, & comparisonem in censu non admittebat.  
Quid hic aliud gereres, quàm quod posteri suspiciant,  
& ante Te non legerunt? Ratus è vicino rem agendam  
esse, & in ultimum conatum recentes vires intenderdas,  
Moschouiam inter, & latissima Hostium castra, Exercitū  
minorem, neq; sic tamen totum posuisti. Milites deinde  
in latera explicari, montes in sideri, erigi munitiones. Tan-  
ta hec in opus ibant celeritate, ut obsidio prius steterit,  
quàm sentiretur. Quis hoc tandem, in consilium afferre  
sine temeritatis vitio auderet, quod cum summa pruden-  
tia ex arcanis militiae preceptis peregisti? Certè tantum  
ingenij & audacie, scriptorum assentatio, cui quidlibet  
comminisci promptum est, non habuit, ut literarum monu-  
mentis illigaret, quod fecisti. Imperatoribus Parentes  
dabant è celo, imputabant immortalitatem, diuinam af-  
fingebant conditionem: hoc addere non potuerunt, ne ali-  
quando inter fabulas esset, quod Virtus Tua in lucem debu-  
it eniti statim verum. Trito illi calle incedant, qui alieno  
se regunt successu, & ad veterum exempla, velut infantes  
ad fulera appositi, gradus primos tentant. Tu operum  
tantum iam Orbi dedisti, ut Te possis imitari. Circumfu-  
sa olim Tuis castris Asia, pluribus cohortibus prope, quam  
VIROS

viros sub signis numerabas, circum Te excubabat. Vires  
non Ottomanici Imperij, sed humani generis videri pote-  
rant. Si cum se in terrarum libertate esse putarent, tene-  
bantur. Abire non poterant, nisi rogassent. Quod si la-  
gem à Te accepere ingentia variarum Gentium nomina,  
quid aduersi hic ommareres, ubi urgebas? Robur Mo-  
schouie circumstabas; sed ipsam obsedisse putabaris, que  
tam longo ad apparatus dato spatio, lacertos in subsidium  
mouere non poterat. Partem, in quam sanguis ac vigor  
omnis fluxerat, pressisti; quid nisi torpor viribus, velut mè-  
bris, incumberet? Vocem quoq; in aures obsessorum ex-  
tendere non poterant. Si que mittebatur, languore suo  
peribat, aut à Tuis intercepta intelligebatur. Hoc effece-  
ras, ut in alieno aere vacillantes, sua non haberent allo-  
quia. Silebat uniuersum Imperium, ut Tu loquerere.  
Terra nihil illis dabat amplius, quàm quod mortuis solet.  
Fossas illi vocabant; sepulchra erant, tam incerta hosti-  
tum, & Tuis addicta nutibus, ut eiectione infidos, & par-  
ricidis equales facile viderentur. Eiecerunt postea, cum  
magnitudo sceleris maturuit, & colorem sepulcorum in-  
duerunt. Sed ad hec veniam iterum, cum prius Tuos in  
hostico progressus fuero contemplatus. Nam postquam  
iam densis omnia firmasti munitionibus & propugnaculis,  
partem exercitus in Moschouiam destinasti, ut circa re-  
liquorum Matrem oppidorum luctaretur. Fama rerum  
gestarum precesserat, & omnia trepidabant, quasi mili-  
tum manus seiret. Aedes deserte, Lares patrij relictī,  
omnia aperta, nouos illecebrā annonæ ac opum inuitabant  
hostites. Colligebantur ad totius seditionis caput plurimi,  
& sui stipatione formidinem densabant. Plerosq; tam in-  
tenta rapuit fuga, quasi extra Solem armis querendi es-  
sent. Ceteri, qui fiduciam rebus suis fingebant, finitimis  
carceribus magis, quàm arcibus sese includebant, ne stra-  
gem sentirent, an ne viderent? omnia enim sic luctuosum  
C faciebant



faciebant spectaculum, ut oculi bellorum incendio grassante ac fumo irritati sponte lacrymarentur. Quidquid virium erat in hoste, circa precordia imaginarij Ducis palpitabat; nec fas erat ad leuandos miseros, tantumq̄ animam trabentes excurrere. Quidquid relictum fuisset, pro alieno haberi poterat. Proximis itaq̄ strage ingenti correptis, contagio quedam mali in extremis fimbis sentiebatur. Tu hæc inter, Sebinum, qui opulento inuitata aut decepta impendio, variarum Gentium robora secum habebat, virum iam militandi veterem, retinebas. Quis centrum esse, quod insederat, Tuis militaribus in circularem lineam evolutis copijs credidisset, nisi duxisset religioni, ordinem ac situm turbare motu? Ista egebat quiete atas profligata annis, & ingenio pertinaci. Reliquisti spatium, quo vastus experiri periculum poterat exercitus, & pectoribus viam querere, Ocium maluit, & prelijs circa nidum ludere, quam bello moliri libertatem. Sciebat enim Tue Virtutis conscius, ibi quoq̄ iter obstructum esse, ubi munimenta nulla starent, sed Tu esse poteras. Cogitatio hæc in hoste prudens fugam dissuasit, ne dubio fortuna passu in cadem pergeret: retinuit a publico maximarum duello terrarum, ne citius semel periret, quam optabat. Amplissimum verò fortitudinis Tue testimonium erat, quod quem forti militum cinctu strinxeras, ad prelia, quoties vellet, solueres. Et quidem laborabat ille, conflictibus milites suos euentilare, ne otia languor virium & tabes sequeretur; sed cum videret densam stragem, grauius malum, incurri, consilio supersedit. Intelligebat diuerticulis his pugnandi & desultoriâ militiâ, tempus cum clade duci, non exitum parari. Querendi itaq̄ erant, & admotis viribus è subterraneis lustris eruendi. Sæpius propè sunt armis laceßiti, quam territi, & quod solum ad arctissimam deerat adhuc obsidionem, hostiles portæ caforum mole corporum claudebantur. Ita pro Te iacebant mortui,  
qui

qui contra Te viui stabant. Vidisses non semel expugnatos omnes, nisi temporis ratio pro Te certare incepisset. Brumalis horror, infestus niuibus turbo, gelu intractabile, terre rigor, crudæ tempestates hostem pressere. Cælum Tibi militabat, coniurata in auxilium elementa aduersarios terris proscribebant. Nam ut Tuorum alacritati nihil asperum esset, à Te uno omnes calebant; illi tremuli, frigore dubium, an metu? malè rekti, ad paucos focos, in quibus ignis, veluti sacer, ad usum bellicum vigilabat, hærebant. Consuetudo tamen cæli fecit, ut dura mens contra insanam æris intemperiem proteruè obniteretur. E glacie, è niuibus, è Marpesijs propè sunt effossi cautibus, & iniurias ferre non didicerunt, sed sciunt. Quemadmodum tamen aqua frigore concreta hiat, & rumpitur nimia hyemis asperitate, & ponderis impatiens late stridet; ita diuturnitas malorum assiduitatem tolerandi maiore sensu afflixit. Ceduis prohibebantur syluis, aberant fomenta gelu perustis; & inde morbi ac funera. In Tuis Castris è contra verna quasi ridebat hilaritas. Vigor corporum, flos virium, anxii pugnae ardentes faciem temporis mutauerunt. Quis enim tam impos sui fuisset, quem tua ad ferendum non accendisset constantia? Quis non arsisset à frigore, quod sponte in exemplum admittebas? Iniuria cæli, que in te cadebant, admirabili clementiâ agebant in milites, & quasi ab attractu naturam deposuissent, inflammabant. Ignea mens niuibus alebatur, feruebat à proximo latere ferrum, & algor ille Septentrionis ingens, rabiesq̄ ventorum, animum rigore non edomabat. Et defuisset sanè incitamentum laudis, fatalis calamitatum scopulus, tuus aspectus ita fuit incitandi potens, ut Themistocli Miltiades, Hercules Theseo. Et hic tamen gloria stimulus abesse Te presente non poterat, qui omnia in immortalitatis curam conuertis, & eripis languori, in quem ex vicino agis. Arx amena & Re-



galibus instructa commodis, hospitium ostendebat tranquillum; inuitabat, ut aestiua ab hybernis distingueres, aliquid etiam solitis detraberis laboribus. Sed tam incitatus inerat animo feruor, ut in illo horrendo tempestatis habitu, delicatam fouere nolueris cogitationem. Quia Te oblectabat exercitus frigore adstrictus, cum anhelitu circum ora concreto, & solutis desuper in niues nubibus canesceret, iam non tantum ad Patrie salutem, sed ad imitandi quoque voluptatem, patientie de Te exhibebas spectaculum. Eant nunc, qui cumulatissimum Principum munus asserunt, Consilia & Imperium, duas quasi manus, quibus Regna seruantur vel vindicantur. Te Virtus prope inter Commilitones habet. Ipse facis quod iubes, non iussurus, nisi tibi gerendi imposuisses necessitatem. Ceteros addixisti operibus certis perficiendis, secreuisti dignitates officijs, etates ac merita immunitatibus: vnus discrimen nosse nolusti, peregisti omnia. Bellicorum munerum Compendium ac Summa dici potes. Illustris es Imperio & Labores & partes Fortune confudisti. Legionem etiam cum admiratione spectant terrae regionem, quae a tuo ingenio pulcherrimam Castrorum accepit speciem & pugnae locum; arbores, quae quiescentem senserunt, montes quos excubitor obequitabas, aut invadebas pugnator: ijsque sudorum Tuorum vestigijs ad bellicas laudes commouentur. Nemo in posterum ignauus ac degener terris illis insistet, quae a Tuo excellenti studio genium quendam hauserunt fortitudinis. Eijciet profanos locus Tuam virtute consecratus. Antiochia id, nescio quam Dei lege habet, ut Mahometis Sectatores diu inter viuos non sinat: cur a magno Hospite Seueria parem non acceperit felicitatem? In te itaque refero, REX Inuictissime, quod ad tuum aduentum hostes terris excedere ceperunt. Pugnae primum infelices, metus deinde, afflixerunt omnes. Accessit fames & latere omnes sequaci corripuit contagione, effecitque, ut nemo suam

suam vitam optare potuerit, qui Tuam Victoriā simul non esuriret. Qui cadebant, sibi imputabant, quod eandem Tecum terram calcarent. Nouerat aer suum Principem, & singulari sese impendebat omnibus discrimine, ut Tui vitam ducerent, illi haurirent mortem. Eiecta ab usu hominum stomachis ingerebant, feles, canes, & quidquid horremus; & discebant in symbolo fidelitatis, quod rodebant, penam perfidiae. Atque ita magnum caedis compendium dextris tuorum euenit, cum Aduersarij in suorum cadaueribus tumulandis fatigarentur, quos Ultio in ipso sceleris loco oppressit. Multa hic mihi dicenda essent dictu tristia, ad quae subeunda coegisti contumaces, si liceret Triumphales Tuas aures rebus funestioribus diu tenere. Latum illud potius ac ingens tuae gloriae monumentum commemorabo, quod plurimis praelijs, caedibus frequentibus perfeceras, ut hostibus placeres. Qui enim rebus suis melius consultum voluerunt, sese castris suis eripiebant, accedebant Tuis. Sua tibi vulnera vendebant, tanquam corporibus eorum tui gladij incidissent illecebram transfugiendi, & primam Sacramenti reuerentiam. Jam cohortibus immixti, nouum susceperunt certamen, ut Victoribus sedulitate pugnandi coequerentur, & quibus artibus hostes erant, amici sint. Haec est Imperatoris Inuicti gloria, quoddam in animos gerere Imperium. Nam qui corpora vinculis, aut carcere obligata tenent, in cogitationes nihil iuris habent, liberas, frangi nescias, sui & rerum Dominas. Qui mentem nobilissimam hominis partem, attraxere in obsequium, diuinam imitantur potestatem. Effecisti itaque rem omnibus posteris memorandam, cum iidem, qui te metuebant, diligunt. Ceteros in latebris, ac teterrimo malorum ergastulo Fortuna retinuit, ut pereundi maturitas cumulo afflictorum aucta properaret. Erant enim iam clara illius vndique argumenta. Bello multa inepta corpora, languor virium, lue inducta tentoria. Tormenta

D  
quan-



quandoq; horrendum mugiebant, esse adhuc qui viueret. Ferrea verò pile innoxio circum corpora ictu cadebant, quasi ad hoc mitterentur, ut futuri dominij rigorem obsequio, ac reuerenti allapsu praeuenirent. Rapidissimum interim properantis necessitatis cursum frequenti incurfione iuisti. Nudatum propugnatoribus vallum, turbata caese, excursions impeditae. Globi creberrime emissi, aut in fossa parentabant latentibus, aut parentia certis ictibus in vias castrorum effundebant corpora. Habebant, quo viuerent, si auxissent barbariem. Cum ita omnia cadibus miscerentur, & miles assiduo circum Castra penderet opere, moriendi pertinacia inundatione sanguinis intepuit. Coegisti inferis deuotos, ut viuere mallerent. Itaq; precibus, ac frontibus in terram ruentibus, velut si impudentiam violatae religionis damnarent, cruentum tuarum Victoriarum successum ad Clementiam reuocarunt. Eius te nouerant indolis, ut Victor Animorum dici gloriosus censes. Inciderunt in mite pectus, & votis facile cedere. Donaisti vitam, quam eripere poteras. Indulxisti fortissimis tuorum dexteris, ut iacentes spectarent, quos gladijs non deposuerunt. Et hoc ipsum Victoriae laetitiam auxit, quod tuorum pericula nolueris. Hac arte integram Tibi addixisti Gloriam. Conseruare victos, ita Tuum est, ut, quod omnes vita munus acceperunt, a Te vno dari potuerit. Ex omnibus animi ornamentis seligunt ceteri Principes certa laudum praesidia, quibus sua facta vulgo eximant: & ne ex singulis pauca admodum delibasse videantur, in vnius haerent incremento. Qui omnium concentu irent per ora hominum, pauci extiterunt omnino. Quemadmodum enim diuinae propè, & non humanae mentis est opus, blandam amantissimarum virtutum faciem, rigore ceterarum non efferare: ita difficile est, sic in vno apparere singulas, ut in communi omnium commercio, quibusdam praeclearius effulgentibus, aliae non obscurentur. Tibi haec praeclearissima

rissima gloriae concordia contigit, ut nullum in umbrae alterius boni confinio splendorem. Fortis es & mitis; constans & exorabilis; terrens & allicis; eadem manu pacem in patria foues, bellum in hosticum exportasti; gladio cepisti hostes, clementiam conseruasti. Omnia tam conspicua sunt, & victis admiranda, ut dum ad pondus, & primam partium ambitionem Virtutes Tuas vocare non possunt, omnes ex aequo praedicent. Laudant Te animi ac virium plenum, immotum, imperterritum, quoties vincis: benignum ac facilem, postquam vicisti. His generosa mentis instrumentis Tuus magis successus inclaruit. Nam ferro cauta sepe eripit fuga trepidos, fallunt persequentis diligentiam latebre, vis animo resumpta vincentes moratur. Clementia verò ita certa est Victoriae, ut, quem gladius praeterit, illa vincendum suscipiat. Fuere aliquando, qui, ut non Victori, sed necessitati se cessione ostenderent, dedere posthumam è vultibus tabidis proteruiam, & viuentem in ipsa morte iram reliquere: ferali hoc habitu testati, hostes se ad inferos ire. Credebant se pleni triumpho solatium erepturos, si vltima fata exciperent à fauore, & contumaci vultu adhuc aspectum sauciarent. Et licet haec non voluntate cadentis aestimanda sint, sed eius, qui gloriae suae litat: pulcherrimum tamen habetur felicitatis integrae testimonium, si ab omni parte beata sit Victoria, & non mascula tantum strage, sed parsimonia quoque sanguinis commendetur. Hic tu, REX Inuictissime, iuisti in gloriam itineribus. Ita enim partitus es numero & apparatu instructum hostilem Exercitum, ut magnam suscepere excidendam ferro multitudinem, quae suo flagitio induruerat: non pauciores autem dimiseris, qui beneficio euadere tuo cladem maluere. O Tuam non fortitudinem magis, quam benignitatem predicandam! Pectus roboris conscientiam firmum, & plenum pietate in afflictos effudisti, ne eos calamitate extremam conficeres, qui, nisi per te viueret,



viuere non possent. Acceperunt leges, quas in Patriâ suâ ser-  
uarêt, & liberi essent, ex genio legitimi Principis, à seruitute  
ceteris obsequendi. Hoc enim verò singulare fuit tua pru-  
dentie miraculum, cum eò rem deduxisti, ut è prescripto  
tuo, Sacrilegæ Reipublicæ obsequelam negarent. Oneratos  
etiam armis abire voluisti, baiulos potius quàm milites, ut  
referrent ad suos damnatæ penam audaciæ. Nam cum  
viri non possent, ita tulere conditionem, quasi manus præ-  
ciderentur. Et sic quoq; clemens eras ac mali prouidus; ne  
incumberent dolori, quoties ferrum inutile ad latus herens,  
aut humeris innixum, Victoriæ exprobraret. Egregiè au-  
tem fecisti, ut abeuntes non solum armis alligares ad erro-  
ris sui penitentiam, sed potissimam quoq; partem deripe-  
res. Ad Triumphum enim virtutis Tuae perinebat huma-  
nitatem potentiâ commendare, & ostendere, quod, quæ  
dedisti indulgenter, negare potuisti. Tantum autem in  
potestatem redactum est æris ac ferri, ut estimare non  
possint, qui viderunt. Hostium certè est iudicium, quod  
extera ingenia in damnata terrarum acerbere, satis fuisse mil-  
litarie Arci diruendæ, extorquendæ Prouinciæ, Regnis unâ  
ruinâ inuoluendis. Non improbabant fiduciam, qui sin-  
gula conspexere. In ter plurimas molis admirandæ ma-  
chinas, oblongi sunt tubi quidam, & equaliter teretes, quo-  
rum ambitus ab una parte, ad sustinendum primum e-  
rumpentis ignis impetum, grossior in prodigiosam longitu-  
dinem excurrit. Prioribus temporibus nascentis adhuc, &  
in consuetudinem euntis operis vsus erat perquam rarus,  
nunc licet ubiq; terrarum non infrequens habeatur, magni-  
tudo tamen hic adeò auxit admirationem, ut nisi essent,  
exire in opus non posse viderentur. Nomina ipsa immane  
quid strepunt, & quasi iam audirentur, fulmineum in vo-  
cabulis explicant horrorem. Quid memorem ea, quæ vel  
in longum, ad maius spatium superandum, extensa iacent  
bellica tormenta, vel in arctiorem formam contracta ca-  
paciore

paciore hiatu sursum aperiuntur, ut in sublime glorio-  
siorum obturamenta flammis eluctantibus, noceant? Pre-  
terea reliqua ænearum fistularum portenta, & quidquid  
magni Imperij opes, in vsum belli annis multis effuderunt.  
Tui gratiâ tantum videntur consecuta pondus, ut grauati  
ferrent, si reducerentur. Tibi iam accendunt sublucente  
flammâ noctes in triumphum, in plausum mugiunt, in per-  
niciem hostium tonitrua ac cælestes minas emulantur. Neq;  
enim decet, ut fileant Victoriæ, quam cum sensu quo-  
dam excepere: aut perfidiam ictibus non exprobrent, cui  
inuitè ancillabantur: aut tumultuoso non excutiant impul-  
su finibus terrarum Barbaros, cum obsequijs Tuis accesserunt.  
Et opportunè hic ego in eorum incidi memoriam, cum ad  
apicem brumalis Tui laboris, obsidionisq; consumationem  
mea festinat Oratio. Iucundius enim est, & ad gloriæ Tuae  
maiestatem augustius, spectare ipsas potius Legiones sup-  
plices, è carcere, quem eternâ erexerant obstinatione, pro-  
deuntes. Istant ille ex funestâ suarum calamitatum sede,  
velut ab inferis extractæ, nesciæ quid agerent potius, gau-  
derentne, quod in vitam renascerentur? an quærentur,  
quod oculos magnæ luci non assuetos, in publicum Victo-  
ris Principis, atq; spectantium Procerum theatrum essent  
expositure? Lucta profectò animorum, si quæ unquam,  
extitit grauissima, & colores variorum affectuum indices  
in vultu confligebant, nunc hilaritate campum occupante,  
nunc pudore instabili metus suos velut in aciem explicante.  
Horam ignominie fatalem preceperant cogitatione, ludi-  
bria polluti fœderis, vultus letos partium, longum per ho-  
stium oculos iter. Ad maciem & vultum, ut dicunt,  
Hippocraticum, cui diuturna obsidio supremum pene vitæ  
diem impresserat, accessit Caudinæ pactiois memoria, aut  
similitudo, extrema erumnarum appendix. Reuocasset illa  
propè postliminiò ad famem, nisi viuere & Victorem cogi-  
tassent. Tanta enim est Tuarum estimatio ac gloria Vi-  
ctoriarum



Victoriarum, ut pretium habeant, quæ à Tua manu veniunt calamitates. Vulnerum suorum negligens est, quisquis in Tuum gladium, Orbis domitorem, animo declinavit. Ple-riq; Umbris erant similes; ad illorum tamen vicem, qui leta merentes simulant, parem festo aspectum plausui accepe-re, ne triumphalibus oculis horrorem spectandum infer-ent. Vniuersi porrò in ordines digesti certos, ad Augu-*sta* vsq; Regiæ Tuæ Maiestatis genua, infestos inter vultu, & triumphum spirantes ibant, lucis fastidium superabant, eundinecessitate, formam omnis luctus extemporali laci-tiâ tegebant. Vexilla, quæ super capita Hostium fulsere, sub pedes Tuos sternebantur, quòd malè in perfidiam duxissent. Referrì tamen iussa, postquam Victoriã senserunt, & fiducia sub plantis contraxerunt veniendi in manus. Vi-distì tunc REX Potentissime, tot illius terre Palatinos, Duces, Proceres, & omnium antesignanum Sebinum ad tuos nutus procidisse, frontem rupto iureiurando attritam ad inferos propè detulisse, pectus sceleris conscium ex mo-re gentis, sacrilegij commonuisse. Fuit quoq; sub trise-ingum, Signum ac Nomen Viri, qui sicte dignitatis scenam diu iam in voce preferebat; cum interim omnes ingentem pudoris molem ex alto animo cicerent, tanquam ferret iam ceruice pedes. Quid hic aliud facerent nobilissimi terra-rum Ciues tuarum, quàm letitiã in cælum irent, felicem exitum gratularentur, de futuris victorijs Numen com-pellarent. Quem boni huius communio non afficeret, si res vite inopes, spiritum gestiendi à Te acceperunt? An e-nim tempora, quæ, ut hostem prelijs fractum, morâ pen-tus comminuerent, rigorem quendam Martium admise-runt, ad Tuum successum eadem hilaritate non plaudunt, quã precipitem liberali cede fugam antea risere? Borysthe-nem ipsum insolenti meatu ferocem Boreale constrinxerat gelu, quasi eo sine, ut eunte in duritiem aquã subsisteret, dum contumacia vincendi subsideret in hostibus. Idcirco  
quam-

quamprimùm deditiõnem sensit, velut si letitia glaciem laxaret, aluci impatiens in cornua excessit, nuncias Tuæ Vi-*ctoriæ* aquas terris ac mari infusus. Ibit porrò optatis-sima hæc belli prosperitas in ora posterorum, terrorem Nomi-nis Tui per Regna circumfret, Victorias promulgabit. Serpent hæc Laureæ in immortalitatem, in novos pullula-bunt Triumphos, id Deo agente, ut Regni Tui eum per palmas eat, & nunquam nisi fructus audias. Pulcher-rima eius rei iam suspeximus argumenta. Quid enim est recens hæc Tuæ gubernationis etas, quàm continuus quidam Victoriarũ textus? Pauci tot laudibus longos Im-perij finiuerunt annos, ut Tu primum cepisti. Dies equa-uerunt felices pugnas numero preliorum stant paria Tro-phæa. Aspexisti ereptas Barbaris Aquilas, captiuos abdu-ctos, excisas ciuitates. Cum Moscos persequeris Turcas Scy-thasq; fusos accepisti. Torrens quidam Fortune Tibi demo-litur Gentes, properat Victorias. Virtus Tuã magnorum operum molitrix, cui iam vices omnes ambigue sortis obse-cundare docuisti, omnia Tibi subijcit. Illa Te ex intimo sinu pacis & solij complexu, ad pacandos limites abripit semper atq; impellit. Illa non consilijs modò optimis, sed armis quoq; in aduersas partes detonat. Illa post Castra nuper ademptã, postremam Belli totiꝝ procellam in uniuersam effudit Moscouiam. Nimirum hic est inoffensus ve-ra gloriæ cursus, & diuinitatis cuiusdam continuus vigor, perpetuo ferri ad magna motu, rem inclinatam in præceptis urgere. Hostem armat, suum quisquis ferrum breui silen-tio componit. Cunctatio alienas erigit ruinas, & volen-tiores suscitât tempestates. Vt enim corpora, quæ diutur-na agitauit egritudo, quiete conualescunt, ita inquietæ bel-licis æstibus Terra, ad robur sese pristinum morâ pacis re-cipiunt. Ille itaq; omnes boni Imperatoris partes abun-dè peregit, qui eodem impetu infirmas consuit vires, quæ incolumes ac vegetas lacerauit. Annibal certè magnam  
suis



suis laudibus asperit labem, quod Victor haecitatione perire soleret, ijs clade sua uincens, qui cecidissent. Cum Cannensem Victoriam superet, amisit Italiam. Magnus ceteris erat dotibus, & iudicio potissimum in estimationem militaris rei intento. Fuisset ille a quo hoc, dicendorum arbiter Imperatorum, Te profecto magnos inter Heroes primum celebrasset, in quo omnia eminent bellicae scientiae ornamenta. Non enim satis esse iudicauisti amplitudini peccatoris Tui tanta sedere in Victoria. Secutus es animum Tuum, cui omnia se fata impendunt. Transcendisti constantissime attritum belli limen, fluentibus campis minime retardatus, qui, cadente hyeme, palustri similes ceno vestigia euntium admittebant. Nihil erat toto itineris tractu lubricum, in quo tua fortitudo nutaret: nihil difficile, quod ardor militum non euinceret. Sequebantur generosam mentem corpora robusta, solida, leta, uno hoc masta, quod adhuc properarent. Alis tanta egebat celeritas, quantam cogitatione conceperant. Neque sic tamen lenta fuit profectio, quae subitum hostibus attonitis, & maximarum rerum expectatione pendentibus terrorem praemisit, & cum perfecta fuisset, miscuit cadibus. Hic demum eodem me loci video constitutum, ut uerbarebus gestis non possim paria reperire. Haec est misera Oratorum conditio, quod meritis crescentibus nequeant pariter attollere dictionem. Si magnitudo operis estimanda est, repit omnis facundia, quantumuis altissimo gloriatur fastigio. Quid igitur mirum, si, cum ad exitum propero Tuae in Mosconia felicitatis, ipse quid potius, & qua ratione disseram, subdubitem. Mirerene uelocitatem, quod plurimae eodem tempore munitiones tempestatem belli exceperint, a gri populationem, oppida vastitatem, tota hostilis Regio metum ac trepidationem? an successum, quod trophaeis terram impleueris, signa saepius oblata calcaueris, Victorias numeraueris praelijs, supplices conspexeris. Proceres, qui pro  
cursum

cursum armorum deprecabantur? an uero immortalem Tuae prudentiae gloriam, ac animi magnitudinem, quod ita paci ineunda impenderis alloquia, ne otium bello interueniret. Videbas eam belli esse optimam festinationem, quae consilia factis promoueret, & urgeret victorij discordes sensus ad exitum. Multos temperata spe & faderis simulatione disceptatio, plane haerentes in causa, ositantesque consopiuist. Habent hoc ignaue induciarum morx, ut, cum uelut fascino, confabulatione motum armorum intercipiunt, non hostes modo diuturnitate reparatos, quasi subitum fulmen, nil tale opinantibus obijciant, sed languore etiam uictrices copias atterant. Attentus igitur semper ac uigil, ne lenitas improuisam parturiret audaciam, & iustae irae placamenta in perfidiam reuoluerentur, hostilia manu regebas consilia. Et erat hoc grande momentum, non modo iuris debito possessionem eripere, sed Victorij quoque dubitantes cogere. Nihil enim uolebas, quod ferro extorqueri non posses; eo discrimine, quod facultatis maior semper apud Te sit latitudo, quam cupiditatis. Nam moderatio, & plenus Te ipso animus metam ponit desiderijs: at uero fortitudo, & generosa magna mentis inductio, ne Orbe quidem hoc desinitur. Ista cogitatio Hostes serio ac rigido Tuae potestatis examine sollicitos euertit. Infractum Tuum animum per successus ferri, cum diu multumque spectarent, auctoritati Tuae cedere maluerunt, & iustitiae partes inire, quam nudis certare odijs. Quid Tuae Fortune negarent, quam facis? Cur varijs diu fluctuarent sententijs, aduersus quos districtam in manibus habes felicitatem? Ereptam quocirca reposuerunt Seueriam, terrarum spatij amplissimam, ciuitatum copiam opulentam, crebris instructam arcibus, ut de Tuo obsequium facerent potius, quam obstinatis pectoribus ruinam auerent. Oppresserint licet fecunditatem illius, direptiones frequentes, & pugnantium decursus, longè tamen fertilissima uidetur, postquam



quam gladijs exculta pacem protulit florentissimam. Pulcherrima est ubertas, cum Terra, quas ferro putasti, hostili rigasti cruore, victricibus plantis exculcasti, crescunt in decus Regni, & perennem in eolis securitatem germinant. Existimauere Antiqui Numen quoddam eo nomine maximè beatum, quod ambulantis vestigia facili incremento flores, quasi pedibus plantati, sequerentur. Quid ad hanc dicerent prosperitatem, cum progressus Tui explicantur in palmas, efflorescunt in coronas, funduntur in trophea, & latissimas terras Triumphis, velut Lauris, constas, ceteris adijciunt provincijs? Pulchrum profectò ac memorabile facinus. Quis enim sperare potuit Severiam, que prioribus temporibus per breuia raptabatur fœdera, & alternis discerpebatur viribus, perpetuâ lege firmari potuisse atq; retineri? Vota ad hanc expectationem, & tam remota Fœdus aram deerant. SIGISMUNDVS Pater Tuus eam Hostibus etiam eripuit; sed spem, quâ unâ calamitates solamur, reliquit. Protulit eius possessione limites; sed securitatem non addidit perpetuam. Damnauit ius, quod iniquis armis fecerant; sed quoties vellent, potuit agi de nouo causa, & bellici strepitu fori tentari successus. At Tu eò rem deduxisti, ut, & desperationem eius iurauerint, & de non repetendâ legem tulerint. Magnificum erat, illam Barbaris eripere; quid quandam addere quasi eternitatem? Gloriosum occupatam presidijs retinere; quid concordia excubijs? Propulsare pericula armis, illustre atq; speciosum; quid togæ ostentatione? Itaq; tui quietiq; viuient incolæ, apud quos ne metus quidem atq; amittendi formido remansit. Recreabuntur pacis quadam quasi immortalitate, exacte tranquillitatis imaginem venerabuntur, nihil, quod respectandum sit sibi ac posteris, perire mescent, securi Diuorum puluina frequentabunt, quorum ope Tua stetit felicitas. Omnes Te Rege beatos ducent dies, & totam scient secundarum rerum ferre prosperitatem.

tem. O magnum optatissime fundatorem pacis! o publica quietis Patronum, & Instauratorem Patria! O magnificum opus, quod inter innumeras gestientium populorum manus feretur ad vitam semper, & eripi laudationi non poterit, quod solers oculis gratitudo perpetim exhibebit. Quid hæc esse potest Victoriâ gloriosius, in qua, singulari temperamento, iusta ira, & mansuetudo vincit ac triumphat? que occupatam Prouinciâ subditis, latissimum Moscouie Imperium quietis Vicinis impleuit? Meritò itaq; Fama veris rumoribus fecunda, Tuam ubiq; euulgat gloriam, vocibus in Scythicas usq; ac Gothicas vrbes resonantibus, & mentes Hostium tristes lætâ confundentibus imagine felicitatis. Hæc enim est Tuae Virtutis magnitudo, ut ibi Te ponere possit, quod nuncium Tuorum successuum premisit. I Fortunatissime Regum, quod Tua Te fortitudo optimis probata semper auspicijs ac euentu, quod Iura Regnorum, & publica salutis vocat necessitas. Nescit quiescere tam festinata vincendi maturitas, que unius anni flexu portentosas afflixit vires, euerit conatus, terras ademit. Quid mora non efficiet, si facilis ac expedita belli celeritas, omnia ad veteres Reipublicæ leges, auctoritate armorum ac imperio reuocauit? Deiecisti iam Aquilas, quas audacia & roboris æstimatio alto volatu in sublime extulit; quid superest, nisi ut Ottomanicum calces Cælum, & Lunam exeso lumine mutilam, ad deliquium sui compellas? Ut leges vagis feras Scythis, quas domi seruent? Tuis illi relictis sunt viribus, ut, quod nemo hucusq; prestavit, optauere tamen omnes, Tuas terras ignorent, dediscant in finitimis municipijs ferro grassari, liberam gentem opprimere seruitute. Tuae decumani hi malorum fluctus, & inundatio Prædonum reprimenda debetur fortitudini. Tandem subitis lacerata excursionibus Prouinciæ, quibus gens moribus incondita sæpè, velut quoddam diluuium, stragem



gem superfundit, Te Dactore sese recipiant. Neq enim  
sine causa, violatis faderibus, Thraces tota belli mole assur-  
gunt, nisi ut virtutis tue fulmen habeat, in quorum per-  
cussis corporibus perennem fundet securitatem. Hos a Te  
expectant, & quasi iam possiderent, letantur Fortunata  
illa terre, quas noster aut Hostilis sanguis circumfusus pro-  
pe Insulas effecit. Ita & nos vouemus, quotquod a Tuis  
successibus pendemus, Victorijs viuimus,  
Triumphis recreamur.





*Historia Palon.*  
*b) specialis*

23.



